

nem ad solum testamentum paganum trahunt, ea ratione, quod quo-
quomodo milites testari possunt & quòd in Inst. d. § 2. & seqq. scriptum
testamentum ita definitur, quod plures requirit solennitates, quàm quæ
in militare testamentum cadunt. Sed justè hoc nomine P. Gregor.
reprehendit Job. Dauth de testam. n. 116; & si prætensa argumenta
quid possent, hoc etiam probarent, quod nec testamentum militis nuncu-
pativum quoddam esse possit, quia illud non fit quoquomodo regulari-
ter nec absq. aliqua solennitate. Illud magis controversum hic; An
plures quàm duæ hæ species sint testamentorum? & utrum re-
ctè ut species inter se opponantur? Sane plurimi sunt qui ex scri-
pto & nuncupativo unum testamentum quoddam constituunt, quando
nempe testator solennia tam scripti quàm nuncupativi omnia vel ex par-
te majore adhibuit, uti disputat latè Vasq. de success. creat. lib. 2. § 11.
& Job. Dauth. de Test. n. 124, qui mixtum quoddam genus constitu-
unt; ac probare hoc videtur l. hac consultissima, §. C. qui test. fac. poss.
Hinc quemadmodum natura non permittit, ut una animalium species
in aliam convertatur vel transeat: sic nec ars, cujusmodi jurisprudentia
est l. 2. D. de J. & J. & natura imitatrix l. adoptio 15. D. de adopt. l.
si quis posthumos 9. D. de lib. & post. patitur unam speciẽ rei vel Juris in
aliam eamq. diversam vel oppositam vertere. Non E. erunt oppositæ
species, aut tertiã species, quæ mixtum reddit testamentum, erit ad-
denda. Verùm si attendatur, hanc testamenti ab externa forma fa-
ctam distributionem non esse à forma essentiali sed accidentalì; non
erit difficile hoc permittere, quod utræq. illæ testandi formæ pos-
sint majoris cautionis & securitatis gratia vel etiam ex accidenti
uni eidemq. testamento absq. vitio adhiberi, ut ex alterutra eaq.
perfectiore valeat & defendatur, secundum magis receptam opinio-
nem, de qua Wesenb. cons. 29. n. 17. & Menoch. 4. præsumt. p. 1. præf.
2. n. 14. Aut enim utraq. testandi forma est perfectè uno co-
demq. continuo actu observata, aut altera tantum; vel neutra
perfecta. Si utraq. perfectè observata est, & constat, utrã testa-
tus decedere testator voluerit: ejus hac in parte sententia sequenda, &
juxta id quod testator eligit defendendum est. Neq. enim una te-
standi forma alteram consumit, sed pariter coeunt, & una per alteram
juvatur, cum sint non ex opposito, sed diversis & disparatis comparatæ
Vasq. d. §. 11. n. 11. lib. 2. Si verò voluntas testatoris dubia sit & obscura,